



NEW INDIA ASSURANCE

Tel: 24835 - 25683 Fax: 32263

*** MESTER CUMPRO NUMBER DI AUTO ***
*** MESTER SEGURO PROME ***
*** PASA SERCA NOS NA NEW INDIA ***
*** NET DILANTI DI ONTVANGER ***

Masha pabien!

ARUBA VOETBAL BOND SU CELEBRACION DI 65 AÑA DI A SER FUNDA

ORANJESTAD (AAN): Hopi ta e datonan di nos amigo Titi Davelaar, y ta bon pa tur esnan cu tey ainda di e tempo ey, y esnan di e tempo actual, ta bon pa recorda su desaroyo.

Na e fundacion dia 29 di Januari 1932, tabata Dr.Coco Arends d.f.m. como batuta di e organisacion aki. Na inauguracion di Wilhelmina Sportpark, Corsow a ser invita y ricibi pa Dr.Coco Arends ora cu nan a bini abordo di e bapor El Libertador pa dos partido inolvidable contra Aruba 8 y 11 di October, y presencia pa un gran publico Corsow ta gana ambos partido den forma deportivo cu e score di 3-1 y 2-0.

Despues a sigi abogado Albert (Shon A) Eman, y Lt.de

Jong, Dr.Dussenbroek y Freddy Beaujon cu tabata tey cu 1954, Ta bon pa menciona cu den e historia di futbol di Corsow tabatin dos 'Rubiano como president despues cu CVB a keda fundá na 1921, y tabata Dr.Coco Arends e di tres president y na 1937 mr.L.C.Kwartzs (Do) cu tabata procurador general.

Despues cu excepcion di Dr.Coco y Lt.de Jong e otro nan mas bien tabata pa prestigio ya cu tabata e dinámico secretario sr.Benny Kuiperi d.f.m. tata di nos amigo Tico Kuiperi, Leo, Herman y Michael tabata dirigi AVB y cu exito, esaki a keda demostra pa e aprecio cu e tabatin di tur club, tambe pa esnan di exterior kendenan tabatin contacto cu né. Tur esakinan y mas nos por a logra haya for

di nos amigo Titi.

Hopi datos di AVB a bai for di 1939 te 1952 a bai perdi aki na Aruba, ora cu esaki a ser entrega na sr.Westerink (secretario) cu e propósito pa tanto Donny Lacle como Titi Davelaar pa laga imprimi un buki conmemorativo di A.V.B., esaki ta di lamenta ya cu awe esaki lo ta di gran valor pa nos juventud (Lifida) y tur manera ta ser jamá farm team di e clubnan.

E celebracion di 40 aña di A.V.B. tabata den Caribbean Hotel y e president di e tempo ey tabata Fichi Croes, despues pa cu e celebracion di 50 aña esaki tabata den Hotel Americana, cu president Boei Marchena, unda tabata presente tambe di NAVU sr.Walter van Rosberg, cu semper tabatin bon contacto y

aprecio pa e dirigentenan di A.V.B. y asina nos por sigi cu mas di e informacionnan aki, cu awe mester ta den nos archivo pa cu e recuerdonan.

Un di e president di AVB cu semper nos tin di recorda den feliz memoria ta sr.Frans Figaroa, un president di AVB na kende a toca e honor di por tabata presente na Zurich den presencia di sr.Jao Have-lange, y tur e miembronan di FIFA y cu Aruba una vez cu su Status Aparte por a bira miembro.

Historia di nos AVB ta grandi, aunke ta di lamenta cu hopi di esaki no a ser con-

serva pa cu esnan cu ta sigi den e deporte rey di Aruba, cu ta Futbol.

Un palabra di felicitacion pa cu e aniversario aki ta bai pa e directiva y tur cu ta contribuyendo cu e deporte rey di futbol aki na Aruba, y na sr.Boei Marchena cu a bolbe tuma e rienda di nos deporte rey, y ta di spera cu lo bini mas y mihor comprension pa cu nos deporte rey, y e labor aki ta den man di un bon directiva y tur su clubnan miembro pa cu su progreso, ya cu e ta e Deporte Rey! (Janchi Tromp a coopera pa e articulo aki tambe).